

## ¿Jábbesate?

Jume muumum, kúríichim, eeyem entok kuríichi kawjommem, yoreriamte; imenopterom tiam ropoktiriapote joome, imé tewaam rieewo nokpo joome, wanäy "massa tattekkame" ti jjawbáare. Woy wowosa massamte jípure tüsi wiloxkom "oxbowihékame" tē tülisi ka obiachisi bittume.



Kette waate yoreriam bēnasi kobbak, tawwekate entokte toppak. Jume muumu jaamuchim batte itom simerapo itom toppatülisi yáari, kabbam ama jipu béchibo entok oixta ama yáaka waate ito bēnasi yoreriam ay sáaka am suábéchibo, jume nabolí itom buabuáyeme entok mekka jaabéchibo. Jume kuríichi kawjommem páku yem taawariaka, simetaka itomak aani tawwi entok toppata nasukte ili "bikko wikuXta" jípure.

Bejja itom yew nichátuko jume woy wowosa massam ili wancho ilhichimmey naw chachattu.

## Muumum, kúríichim entok eeyem

## ¿Jáykisate?

Sime aniatte 197,750 taka täyawa.

Méjipopote 6,313 taka bitri.

Kette imi Méjipopo 323 taka tua joome.

## Jáksute jowwak?

Jakjúnnete jowwak juyyata entok yoreriam aayukápo, tē jume eeyemte chē ket chijunne juebenna jak yuyuké ániapo. Itom toosa joate buiapo jojoa, oosan chē kutta naawampo. Jamakwey ket imé joam tepa ka naksi bueere entokim kia nachíchibela ili joa waasam bēbenak jípure chikti ama aaneme béchibo.

Wepü eeye joata o muumu joata jak teakáteko, oosan chē kuríichi joata, kátē am jūneria báreka eyya jáchisum jowwak, buétukte sime itom naw aanirapote.

Ömteka yew sajjaka ay itom jínēwria yew wiknake, wanäy kaybu tüsi emow wéenake: jjúká itom ay enchí juujariata!

"Jume ka sitōrita buabuáyeme, elápo Itom Atchay Ōla muumu joammew mekka anjípunake".

## Jáchisute jowwak?

Jume kuríichi Kawjommem bempola jowwak. Jume waate now aanime tepe juebénaka naw jowwak, chikti new ropoktiriamte joáala bem tekkil yáanakeme. Inélijiywápo, wepü eeye joáapote may yun taka takawataka naw aane, imi eeye jammut tua ama nesaweka aane "reyna".

Tiáakari, áapo jibba kákaba wanäy imi tepa yun ili eeyem yew tomtinake, jume eeye jammut tekki pánoaleerom chē junne waatem beppa juebenna, bempo kara ádua wanäyim kía bujāwantajibba jariwsasakanake, juka bēm joáata nasonturasi bíchātekim a tūtenake, juka reynatam suaayanake entokim simeta natekónila bēm joata bitchachakanake kayta amew bettesis, wéhaka, jume eeye öwim kía reynata bēm jujubnakēw jibba téekiak, wanä yim lāwti kokokko.

Itom chikti jēlāpo jume muumum entok eeyem itom asuálamte jijibuatua ju báwa itom kōriipo yew wemtayi.

Waate kuríichimte jume waate yoreriam itom aamukāwmet jume kabbam jojoa, jume ili bikkom yew tomtok jukäy am buáhakari. Waateteché may ara marisokkam jiba ámu, ínēli ame beppa kabba báreka.

Bejja itom yótupote seewa tolóchiate buabuáye, seewa báwata, juyyam entok... jmmm, may kiási juyya taakari báwam!

## ¿Jáchisē itom aniáanake?

Itapo sime imi ánia jiabsamtat entok ka jiabsamtat junne cháka weyye, wanäyte ket sime aayukamta binwatunaké béchibo ket jiabsa. Empo ket imi ániat joome, wanäy empo ket ka a tuk ihateko, aké a suaayapo yuumala.

Enentoké iká emo kónila aayukamta suaaya, kátē kía juyyata tabbe entoké ániata ka nasonte.

## ¿Jitta tüwatasute enchi makka?

Jume eeyem mayte yum jitta itom joampo éria, yunjitta buia wojōriampo itom jípupurēw mamaiy buiata tüte juka yun jitta juyyata tülisi uttiaka ama yótunaké béchibo. Kette ikajuyyatajínēw jabbeta katürík jiabsekamta jachin aw aayubáreya, entokte ket juká ili a báachia wōtemta chichibextia buia ániachi.

Jume kuríichim, waate nabolim ka tüwata joame buáyeke, katte yun am yoyótutua jak eechimpo ka wat watteka jitta am lütiaáhaka.

Jume muumum bejja seewam békana kokowétekte juká seewa tolóchiatate chichibextia wanäyte chē lāwti am tatakataua jume juyyam wanäy bejjá buáwame aayúnake nuxmia batōram béchibo, entok chē junne, moyte yun sitōrim tepa kiási maachim jojoa jayki seewammet itom tekípánoakut béléku.

Waate Méjiko buiálammechi, jume batōram chikatáanam tiame buabuáye, imé jume eeyem entok erésuk mamassaltume bejja búrusi emo asuabáreka.

Aman yukatáaniw chērim ketune bukwa jume muumum melipóona ti téewakame, imé batnaateka bat katriam am yóturiaka sitōrita am jootuay jittoa béchibo, en taxti joowa iri, junem béchibo imi buiálichim tepa nakwa imé yoreriam.